



Broj: 02-404-21/23

Datum: 15.06.2023. godine

Na osnovu člana 69. stav 3. i člana 68. stav 1. Zakona o javnim nabavkama ("Službeni glasnik BiH", broj: 39/14 i 59/22), gradonačelnik Grada Prijedor **d o n o s i**

O D L U K U

O OTKAZIVANJU POSTUPKA NABAVKE

I

O t k a z u j e s e postupak javne nabavke u pregovaračkom postupku bez objave obavještenja o nabavci, za koji je objavljena Informacija na portalu javnih nabavki, broj: 22-4-2-29-20-5/23 dana 24.05.2023. godine u predmetu: Usluge isporuke toplotne energije, broj: 02-404-21/23.

II

Ova odluka biće objavljena na zvaničnoj internet stranici Ugovornog organa, istovremeno sa upućivanjem iste kandidatu, koji je učestvovao u ovom postupku javne nabavke.

O b r a z l o ž e n j e

Ugovorni organ Grad Prijedor je oglasio na Portalu javnih nabavki Informaciju o pregovaračkom postupku bez objave obavještenja o nabavci, broj: 22-4-2-29-20-5/23 dana 24.05.2023. godine, u predmetu: Usluge isporuke toplotne energije, koji se provodi putem pregovaračkog postupka bez objave obavještenja o nabavci. U ostavljenom roku, zaprimljen je jedan zahtjev za učešće i to kandidata „Toplana“ a.d. Prijedor. Po provedenom postupku otvaranja zahtjeva za učešće i utvrđivanju ispunjenosti kvalifikacionih uslova kandidata „Toplana“ a.d. Prijedor, Komisija za javne nabavke je Zapisnikom, broj: 02-404-21/23 od 14.06.2023. godine konstatovala da navedeni kandidat nije kvalifikovan za dodjelu predmetnog ugovora, iz razloga što nije dostavio potpune dokaze za dokazivanje lične sposobnosti iz člana 45. Zakona o javnim nabavkama (»Službeni glasnik BiH«, broj: 39/14 i 59/22) propisane u tački 4.2.1. podtačka a) Tenderske dokumentacije, broj: 02-404-21/23 od 24.05.2023. godine. Konstatovano je da u pogledu dokazivanja lične sposobnosti iz člana 45. Zakona, kandidat je dostavio uvjerenje nadležnog suda prema sjedištu kandidata u kom nisu sadržana sva krivična djela (nedostaje uvjerenje da nije osuđen pravosnažnom presudom za krivično djelo organizovanog kriminala), kao i da nije dostavio drugu ispravu stvarno nadležnog suda za krivična djela organizovanog kriminala, pored isprave/uvjerenja Suda BiH.

Predmetnom Tenderskom dokumentacijom je u tački 4.2.1. podtačka a) propisano da su kandidati dužni dostaviti sljedeće dokumente: “a) izvod iz kaznene evidencije Suda BiH i nadležnog suda prema sjedištu ponuđača da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan.” U istoj tački je istaknuto da nije prihvatljiv izvod iz kaznene evidencije izdat od bilo kojeg suda u BiH u kojem nisu naznačena sva navedena krivična djela, već samo neka od njih ili izvod iz kaznene evidencije suda koji uopšte nije nadležan prema sjedištu ponuđača, kao i da prema

stavu Agencije za javne nabavke potrebno je dostavljanje oba uvjerenja (izvod iz kaznene evidencije Suda BiH i nadležnog suda prema sjedištu ponuđača). Dalje u tački 4.2.2. predmetne Tenderske dokumentacije je propisano da su kandidati obavezni kao dokaz o ispunjavanju uslova iz tačke 4.2.1. pod a) TD da dostave uvjerenja izdata od strane Suda BiH i suda nadležnog prema sjedištu kandidata (kumulativno) iz kojih je vidljivo da kandidatu u krivičnom postupku nije izrečena pravosnažna presuda kojom je osuđen za sva krivična djela navedena u ovoj tački TD.

Odredbama člana 68. stav 1. Zakona je propisano da (1) Ugovorni organ odbacuje zahtjev za učešće ili ponudu ako kandidat/ponuđač nije dostavio tražene dokaze ili je dostavio nepotpune dokaze ili je lažno predstavio informacije koje su dokaz ispunjavanja uslova iz čl. 45. do 51. Zakona.

Odredbama člana 69. stav 3. Zakona je propisano da Ugovorni organ može otkazati postupak javne nabavke samo zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Iz naprijed navedenih razloga, odlučeno je kao u dispozitivu ove odluke.

Imajući u vidu navedeno, odlučeno je kao naprijed.

Protiv ove odluke može se u roku od 10 (deset) dana od dana prijema Odluke izjaviti žalba ugovornom organu.

Dostavljeno:

1. „Toplana“ a.d. Prijedor;
2. Dosije i
3. a/a

